



**Inspektorat urbanističko-građevinske, stambene, komunalne inspekcije, inspekcije zaštite
okoliša, zaštite prirode i zaštite dobara baštine**

Broj: 14-06/18-19.2-06434/25

Datum: 04.12.2025. godine

PREDMET: Odgovor na zastupničko pitanje/inicijativu

Vezano za zastupničko pitanje koje je uputio uvaženi zastupnik Faruk Semanović u okviru 26. radne sjednice Skupštine Kantona Sarajevo održane 14.11.2025. godine, zaprimljeno od strane inspektora u stambenoj oblasti, a koje glasi:

"Vladi Kantona Sarajevo upućujem urgenciju za dostavu odgovora na zastupničko pitanje koje sam uputio 1.2.2024. godine a koje glasi da li je Vlada Kantona Sarajevo formirala novu komisiju o stanju protivpožarne zaštite u stambenom sektoru u Kantonu Sarajevo koja je trebala uraditi analizu i prijedlog mjera ?

Naime, u Izvještaju o radu kantonalne uprave za inspekcijske poslove Kantona Sarajevo za 2021. godinu, navedeno je da je Vlada Kantona prepoznala problem protivpožarne zaštite, te je formirala Eadnu grupu koja je sačinila informaciju o stanju protivpožarne zaštite u stambenom sektoru u Kantonu Sarajevo, te je dalje navedeno da će se formirati nova komisija koja će uraditi analizu i prijedlog mjera. Stim u vezi, zamolio sam, ukoliko je formirana nova komisija, da nam se dostavi Informacija o stanju protivpožarne zaštite u stambenom sektoru u Kantonu Sarajevo, sa analizom prijedloga mjera.

Obzirom da do danas, nisam dobio odgovor na navedeno postavljeno pitanje, upućujem urgenciju za dostavu istog."

Shodno zastupničkom pitanju dajemo sljedeći odgovor:

Obzirom na sadržaj Zastupničkog pitanja-urgencije proizilazi da je isto upućeno Vladi Kantona Sarajevo. Nadalje, a vezano za navode u istom napominjemo da je u ranijem periodu Rješenjem Vlade Kantona Sarajevo bila formirana radna grupa za pripremu cjelovite informacije o stanju u oblasti protivpožarne zaštite u stambenom sektoru u Kantonu Sarajevo. U radnoj grupi su učestvovali predstavnici Inspektorata zaštite od požara Ministarstva unutrašnjih poslova, predstavnici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, predstavnici Kantonalne uprave civilne zaštite, predstavnici Kantonalne uprave za inspekcijske poslove Kantona Sarajevo, predstavnici upravnika u Kantonu Sarajevo i predstavnici KJKP "Vodovod i kanalizacija" d.o.o. Radna grupa je nakon održanih sastanaka i razmatranja relevantnih pokazatelja izradila cjelovitu informaciju o stanju u oblasti

protivpožarne zaštite u stambenom sektoru u Kantonu Sarajevo i isti dostavila Vladi Kantona Sarajevo. Koliko nam je poznato Vlada Kantona Sarajevo je u jedanestom mjesecu 2021. godine donijela Zaključak kojim je prihvaćena Cjelovita informacija u oblasti protivpožarne zaštite u stambenom sektoru u Kantonu Sarajevo. Istim zaključkom su data određena zaduženja Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo, Kantonalnoj upravi civilne zaštite i urbanističko-građevinskoj inspekciji Kantona Sarajevo i urbanističko-građevinskim inspekcijama općina. Nadalje, koliko nam je poznato Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je donijelo rješenje o imenovanju radne grupe za vršenje analize cjelovite informacije u oblasti protivpožarne zaštite u stambenom sektoru u Kantonu Sarajevo br. 05/03-19-40041-101/21 od 11.01.2022. godine, kojim su imenovani predstavnici odgovarajućih organa, javnih preduzeća i predstavnika upravnika, a gdje su između ostalog imenovani i predstavnici Kantonalne uprave za inspeksijske poslove Kantona Sarajevo, kao i koordinator i zamjenik koordinatora radne grupe. Nakon donošenja rješenja o imenovanju radne grupe predstavnici Kantonalne uprave za inspeksijske poslove Kantona Sarajevo iz Inspektorata urbanističko-građevinske, stambene i ekološke inspekcije, a koji su imenovani u radnu grupu, nisu dobili pozive od strane koordinatora radne grupe ili bilo koga drugog za sudjelovanje u radu radne grupe, niti su sudjelovali u radu radne grupe, te je ovom organu nepoznato da li je uopće došlo do formiranja i sazivanja radne grupe i da li je uopće ista radila na analizi cjelovite informacije o stanju u oblasti protivpožarne zaštite u Kantonu Sarajevo.

Pored toga, a vezano za inicijativu uvaženog zastupnika Faruka Selmanovića br. 16-04-53704/25 od 26.11.2025. godine, a koja glasi:

"Poštovani,

*U skladu sa članom 213. Poslovnika Skupštine Kantona Sarajevo, pokrećem inicijativu kojom tražim od Vlade Kantona Sarajevo, da se **hitno preispitaju** svi protivpožarni sistemi u javnim institucijama u Kantonu Sarajevo, sa posebnim naglaskom na obrazovne institucije, socijalne i medicinske zdravstvene zaštite."*

Shodno zastupničkoj inicijativi dajemo sljedeći odgovor:

Inspekcija u stambenoj oblasti Inspektorata urbanističko-građevinske, stambene, komunalne inspekcije, inspekcije zaštite okoliša, zaštite prirode i zaštite dobara baštine Kantonalne uprave za inspeksijske poslove Kantona Sarajevo, shodno odredbama članova 68. i 66. Zakona o upravljanju zajedničkim dijelovima zgrade ("Službene novine Kantona Sarajevo" br. 19/17 i 17/18) nije nadležna za ispitivanje protivpožarnih sistema u javnim institucijama u Kantonu Sarajevo, te obzirom na propisane nadležnosti Inspekcije za zaštitu od požara Ministarstva unutrašnjih poslova Kantona Sarajevo i Kantonalne uprave civilne zaštite Kantona Sarajevo shodno odredbama Zakona o zaštiti od požara i vatrogastvu ("Službene novine Kantona Sarajevo" br. 64/09) i drugih propisa koji uređuju oblast zaštite od požara smatramo da inicijativu treba uputiti prema nadležnim organima.

S poštovanjem,

Kantonalni inspektor u stambenoj oblasti


Admir Mulić dipl.pravnik